

興化府莆田縣志

卷之四
（地理）
（建置）
（職官）
（風俗）
（藝文）
（雜錄）

興化府莆田縣志卷二十四

人物志

仕蹟傳

朱李欣字公愉曾祖丹唐蔡王蔚八代孫貶莆田令卒遂家于莆欣太平興國八年進上歷階州推官自知州以下皆坐買馬得罪欣獨免由是以清謹聞召對擢通判耀州時關輔盜賊充斥欣陳計捕之策踰月悉平改知懷州拜屯田員外郎出知解州再以屯田郎中知福州有善政民繪像祀之歷

廣東廣西京西轉運使始仁宗爲太子欣處師儒
及卽位賜璽書褒問除衛尉卿遷諫議大夫卒子
八八宗元宗閔相繼登第餘以奏補入官

方偕字齊古興化縣人父鼎從陳洪進入朝累贈工

部侍郎偕年二十第大中祥符五年進士爲溫州
軍事推官歲饑民欲隸軍就廩州不敢擅募偕詣
提點刑獄呂夷簡曰民迫流亡不早募將聚而爲
盜矣夷簡從之籍爲軍凡七千人後遷汀州判官
御史臺推直官澧州逃卒備民家自給一日誣告

民事魔魑神歲殺十二人以祭州逮其族三百人
繫獄久不決偕被詔就核令卒疏所殺主名按驗
皆無狀事遂白卒以誣告論死再遷侍御史元昊
入塞門廊延副總管趙振逗撓不出救詔偕往按
之法當斬偕奏兵寡不敵苟出以餌盜無益也振
由是得不死爲開封府判官奉使安撫江南東西
擢天章閣待制知杭州遷刑部郎中偕精吏事治
杭州有能聲進光祿卿卒

方慎言字應之廷範五子咸平三年進士知信豐蘭

溪二縣號稱神明祥符初以殿中丞受詔往淄青
數郡均給蠶賦使還稱旨擢屯田員外仁宗卽位
改侍御史屬丁謂貶崖州遣慎言籍其家得士大
夫千請書悉焚之不以聞人稱其長者請便郡知
泉州歲饑大發官廩以貸民又奏免丁稅全活者
衆父老相泣曰微方公我輩無以生又何有子孫
哉自是生子多以方名歷兩浙轉運使錢塘江決
數十里慎言親庀工授材疊石列大木以殺潮勢
賜璽書褒美改知潭州處劇而裕潭人像而祠之

慎言曰吾容衰朽不足過飾吾心憂勤可得而貌
之邪人爲諫議大夫會捧重臣鎮南越遂以朝請
大夫知廣州卒贈開府儀同三司七子蘊藹蕃蘋
蔚莊荀慎言旣貴先推恩於從父昆弟而後及其
子逮沒而孫尙白衣人服其義孫通熙寧六年進
士除王府翊善以子珍疏論蔡京罷職

方慎從字惟之慎言弟景德二年進士歷知弋陽遵
江等縣知潮漳嘉三州再知漳州改都官郎中以
老歸卒慎從所至有德於民在導江日有楠木連

理嘉禾九穗之祥璽書褒異守漳日適慎言守泉州旌麾相望二州人榮之及再至漳人夾道歡呼曰吾父復來矣于諫臣侍父于瀘手斷合水孽蛟次漳人憐而祠之孫价熙寧六年進士大觀初知安豐縣用薦召起都堂審察不肯私謁蔡京報罷復知候官縣已而掛冠里居二十餘年終曾孫禧元符三年進士爲殿中侍御史初慎從在嘉州手植荔枝于郡圃賦詩有畱取清陰待子孫之句至大觀中禧持節按蜀部學嘉父老擁車誦慎從詩

為賀族孫旬紹聖四年進士歷通判建州時劇賊
范仙桂嘯聚境內旬躬督捕榜許自新賊徒殺仙
桂以降移衢州卒

陳鑄字師回興化縣人天聖五年進士知南雄州秩
滿求通判福州以便養母至則贊其守延良師增
腴田以教育後進復通判陳州會有水患悉力拯
援全活者衆歷知潮州登州以恤刑被勅書獎諭
官至朝散大夫光祿卿開國伯

方嶠字次山景祐元年進士授平陽尉改福州司理

叅軍州民鄭以誣繫獄守促令引服嶠力辯其寃
守不能奪遷秘書省著作佐郎知循州吏多狡悍
不法嶠廉得首惡數輩流之郡中肅然改秘書丞
就遷太常博士知潮州潮人祠之以配韓愈改屯
田員外郎通判淄濰二州嶠歲荒安撫使命權密
州嶠撫循有方密人德之會遣使寬恤諸路民力
乃以嶠使福建嶠詢訪利病條上多見施行英宗
卽位累遷屯田都官郎中制置汀漳盜賊汀有巡
檢與賊戰歿其部本懼誅遂謀爲亂嶠謀知取首

謀三人斬之餘悉奏免所活數百人遷司封郎中
改太常少卿以疾乞致仕卒子六人長伯騫補候
官尉有盜殺人追捕無驗伯騫聚里民詢其姓名
至會忍者熟視之曰殺人者若也一訊而服移建
陽丞部使者行縣欲撫令事諷伯騫使言且許薦
之伯騫謝曰擠人以自進所不敢爲且實不知知
亦不當言也官終會昌令次仲字治平四年進士
知南安縣次叔完元豐中補候官令民以築港湍
水害懷安民田二邑交訟叔完先往按之曰吾爲

令豈私吾民耶乃命改築官至廣東轉運判官次
宙熙寧六年進士紹聖初由京東檢法召對除司
農寺丞恥爲章蔡所舉乞補外遂提舉京西常平
奏乞給還程伊川舊買汝州荒田又以范伯揆唐
義問皆名臣之後乞加獎擢終河東運判官次子
容字南圭皇祐五年進士歷守惠州蘇東坡軾謫
惠時日相唱和嘗爲點勘六經終朝請大夫

方次彭字公述興化縣人偕族孫年十二喪父哀毀
如成人悉以先疇付其兄乃率二弟次臯次夔刻

苦力學皇祐元年兄弟三人同預鄉薦次彭登進
士第調劔浦福清主簿遷合州叅軍每與州將論
辨疑獄雖屢見折而氣不可奪移知望江縣時有
爲盜所殺者尉捕其隣人鞫之獄且具次彭謂事
起無情命釋之尉力爭不已旬日果獲真盜改著
作佐郎知海陵縣歲大饑次彭悉心賑貸所活甚
衆知梅州首興學校躬教導之梅人始知學登第
者相繼秩滿士民乞留再任凡六年兩被褒詔元
祐初上章致仕子醇道知南劍州以清儉自持孫

畢紹興間特科潮州推官鄭夾漈稱其文高於天下行高於鄉間紹興十八年進士知海豐縣歷官俸入悉以賙族黨之貧者嘗買婢得少所從師之女育之如已出擇名族嫁之。

林伸字伸之攢裔嘉祐二年進士內侍程昉陳屯田實邊之策欲閉舊河開新葫蘆於孟家口滄景德埭四州俱被其害伸條以聞昉劾伸褫一官知新會縣民有以獲盜賞迎合其子者伸知之責其子曰朝廷數路求賢汝不能讀書應選乃欲陷我欺

君邪竟寢之邑多諸司職田歲歉伸放其租稅十之九吏持不可伸曰不過爲民一衝替耳後果符吏言伸恬不爲意以朝奉郎致仕

陳中復字從道祖端大中祥符五年進士太常博士中復年十八與兄孝純同登熙寧六年進士調懷安尉監建州茶務植茶百萬本國課立辦呂嘉問吳棫相繼尹京辟爲參謀官歷國子監丞兩除提舉京畿西路茶鹽香事時朝廷議行茶法當塗有欲括利源者以中復嘗任茶務令悉陳利害欲進

用之中復謝曰吾豈以身計爲權利作俑者乎累
遷提舉廣西黔南常平事黔南賊熾師出輒敗中
復自提軍決戰賊遂平邊吏邀功者奏奪蠻境置
從允二州築城防禦中復以爲得其人不可教得
其地不可守力奏罷之歷廣南東路提舉刑獄事
屬剽花三嘯聚潮梅循惠皆騷動又與連寇合勢
徽宗手札委規畫不踰月賊平轉中大夫召還卒
方會字子元嶠從孫熙寧九年進士調揚州司法叅
軍以薦移建州教授學政大修八州之士羣至朝

廷爲賜田給其廩餼部使者上會教導狀詔進秩
再任後以集英殿修撰知河中府西人入貢所過
售駿馬牧守例得下其估屬吏以請會笑却之朝
廷陞十帥府遴選守臣以會知越州充兩浙安撫
使繕城隍創樓船上所撰水戰法方圓縱橫用六
六舟爲陣得六花八陣之意以時肄習進退疾徐
如在平地政和二年召還入對徽宗獎諭再四累
爵文安郡開國侯卒贈太師子昭崇寧四年銓試
第官至駕部員外郎暄光州司法叅軍始會在壽

春愛羅山之境因葬焉建炎初維揚告警散丘爾
淮發人塚墓暄恐會墓不免號泣赴援遂遇害
林深之字原叔諱五世孫熙寧九年進士調南劍州
錄事叅軍侍御史張汝賢察訪閩部見建州訟牒
堆積委深之理之時他郡連起大獄追逮相屬于
道二州獨賴深之以免改知下邳縣秩滿年六十
以知開封府都廂致仕子雱以父任補明州刑曹
掾州守毛友治尚嚴峻雱決讞一無所徇友首薦
之改秩歷知錢塘安吉二縣遷通判福州適朝廷